

中

風

論

中風論一書安義熊井陵先生著聞向無刊本也戊寅夏間余從里中世醫郭君秋泉借閱其家藏抄本喜是書明於內景不獨為中風立論即中風一症灼有見地全卷無

一模稜語因手錄之嗣詢此
書所由來秋泉云嘉慶季年
吾閩陳脩園先生治療出一
時名醫右熊君耳其名不遠
千里來証所學脩園下榻欽
其緒論即知熊有撰述奈深

自謙秘不肯示人一日熊外出脩園門下士私發其麓得此書傳鈔之欲再檢他本詰胡熊束裝歸矣余於客冬購得舛陵輯註難經讀其中精義名言悉從靈素體會而出

興中風論相表裏欲合刻而
公諸世未逮也今夏家端植
兄擬刊醫書余以此論告即
欣然出資付梓並自任校讐
之役一字之疑必求參酌削
剔竣事屬叙緣起余思熊氏

書出當有目共賞固無待余
之表彰而端植隱於市廛能
不沒前賢之美俾懸觚家獲
指南可多得哉惟讀難經輯
註知林陵先生尚有傷寒金
匱合註醫案一隅錄兩種肆

中徧訪無此書端植能一
搜羅襄刻熊氏全集尤余之
厚望也夫時

光緒甲申八月子莊林慶祺
謹序

昔神農黃帝岐伯俞跗以神聖
之資闡陰陽之奧創興醫籍拯
濟疾苦實與教養政治相輔而
行故三墳之書先于五典蓋醫
之學備在君相矣厥後有伊尹
湯液亦其類也東遷以來君相

罕有知者而其學遂降為藝術
若醫和醫緩扁鵲之傳皆其最
也始皇焚百家之說不禁醫卜
靈樞素問神農本草經扁鵲難
經猶傳於世漢之太倉公華元
化張仲景之徒皆精其術倉

公元化無傳書惟仲景有傷寒
金匱兩書實與本經湯液靈素
難經相為表裏此醫學之大成
也晉太醫令王叔和錯解義例
纂亂原文而醫學始晦相沿至
今卒無起而正之者雖有諸家

筆出必抒所見究與靈素難經
不能符合其弊在于不信古經
不明內景枉逞胸臆是以得不
償失名不副實著作雖多去
古愈遠矣近世醫方本草諸
書專執心肝脾肺腎顛倒金

水火土滿紙空談毫無實義
莫不家置一冊沿為習俗牢不
可破此時即起軒岐盧扁諸聖
賢而正之不自為怪則斥為妄耳
笈學術淺陋惟于古聖之書頗
曾究心觀其診病脈法經絡營

衛內景臟象皆與後世諸編不同
蓋理字于氣氣字于形後人舍
形氣而言理故其術膚淺而不
適于用古人求實理于形氣之中
故其術精切而多奇中今欲寔
從形氣中以求治病之理不得

不詳之如左以就正于高明庶不也
於按劍相說也夫

道光辛巳孟春江右熊 蜀叔陵

甫自叙

中風論目錄

論臟象

論經絡次序

論經絡淺深

論奇經八脈

論總

論宗氣

論營氣

論衛氣

論脈訣

論病因

論中風

論八風

論輕重

論寒熱

論證候

論風脈

論治法

論藥餌

附案數則

中風論全卷

江右熊 笏叔陵 輯

長樂陳念祖修園 定

論臟象

肝藏魂屬足厥陰經。有正絡入肝。絡膽。主春木風令。

旺於春。以膽爲府。屬足少陽經。有正絡入膽。絡肝。七

情主怒。聲主呼。液爲淚。五官目。凡藏府之相表裏者。因諸經相屬相絡也。

後世用五行幹枝相配。亦屬鑿空腐說。

心藏神。屬手少陰經。有正絡入心。絡小腸。主夏君火。

口唇部
熱令。旺於夏。以小腸爲府。屬手太陽經。有正絡入小腸。絡心。心君無爲。五官舌。

心主無形。代心君行事。屬手厥陰經。有正絡歷臍中。徧歷三焦。主長夏相火暑令。旺於夏。以三焦爲府。亦無形。屬手少陽經。有正絡歷三焦絡臍中。七情主喜。聲主笑。液爲汗。

脾藏意。屬足太陰經。有正絡入脾。絡胃。主四季濕土令。寄旺於四季。以胃爲府。屬足陽明經。有正絡入胃。絡脾。七情主憂思。聲主歌。液爲涎。五官口。

肺藏魄。屬手太陰經。有正絡入肺。絡大腸。主秋金燥令。旺於秋。以大腸爲府。屬手陽明經。有正絡入大腸。絡肺。七情主悲。聲主哭。液爲涕。五官鼻。

腎藏精與智。左藏智。右藏精。屬足少陰經。有正絡入腎。絡膀胱。主冬水寒令。旺於冬。以膀胱爲府。屬足太陽經。有正絡入膀胱。絡腎。七情主恐懼。聲主呻。液爲精。五官耳。

五藏以心君爲主。心君無爲。寂然不動。其藏堅固。邪不能侵。侵之則神去而死。凡心之用。皆手厥陰

心主代爲用事也。

心主卽膻中宗氣也。但有氣而無形。專代心君用事。故名之相火。譬如宰相代人君施政也。後世錯認右腎爲相火。考之靈素難經及仲景書。皆無此說。此因叔和脈法。將三焦配入右尺。三焦本屬相火。故遂錯認右腎爲相火耳。心主是本名。因心主無形可指。故素問借任脈之膻中穴。名之曰膻中。是從其外而名之也。靈樞借護心之脂膜。名之曰心包絡。是從其內而名之也。二者皆是借名。非本名也。唯心主二字乃

是本名。因其代心君行事。爲性情之主。故曰心主。
三焦亦有氣而無形。卽衛氣之間行於府者也。扁鵲
名爲原氣。乃腸胃中行津化液之氣也。蓋心主是宗
氣。內經所謂大氣。積於胸中。命曰氣海者是也。凡肝
之怒。肺之悲。腎之智。脾之思。皆秉此氣爲用。三焦是
衛氣。內經所謂衛出下焦。周行於六府者是也。凡上
焦之飲食主納。中焦之主腐化。下焦之二便主出。皆
秉此氣爲用。此二者皆有氣而無形。馬元臺謂三焦
有形如脂者妄也。

腎有兩枚。其左者爲腎。右者爲命門。男子以右腎藏精。女子以右腎繫胞。此言出於難經。不見於內經。然內經謂衝脈爲血海。循腹右繫於腎。又謂男子二八。太衝脈盛。精始至。女子二七。太衝脈盛。月事以時下。又謂男子無月事。衝脈不洩。則上榮而生髭鬚。女子有月事。衝脈下洩。則髭鬚不生。宦者損其衝脈。則鬚亦不生。觀難經男以藏精。女以繫胞之語。則右腎爲命門者。卽內經之衝脈循腹右下行。繫於右腎。謂男女之天癸所以傳生者也。猶曰此生生受命之門耳。

則命門乃水也。非火也。後世沿叔和之謬。謂左腎爲水。右腎爲相火。已屬大謬。李時珍反用此法。詆毀難經。可知後世醫家於內景藏象全然不識。而猶妄意著作。其書尙可信乎。

或問子以命門爲天癸。然則腎中無火矣。無火則腎中真陽又是何物也。曰腎中真陽卽是衛氣之根。內經謂衛出下焦。難經謂腎間動氣。又謂生氣之原者是也。此兩腎皆有之。且膀胱亦有之。奈何專屬之右腎耶。

內經曰。初生之來謂之精。男女構精。萬物化生。即右腎藏精也。兩精相

搏謂之神。陰陽合而神明也。隨神往來謂之魂。神明動

生即肝也。並精出入謂之魄。精血充而運動也。心有所有憶

謂之意。故脾主思慮善而動謂之智。腎為技巧之官故藏智。此五

藏之所藏。謂之五神所謂性也。

凡五藏皆不可病。而心藏為最。然內經難經論病多

以五藏為言者。乃指五藏所主之病。非謂五藏為受

病之地也。譬如怒為肝之所主。其受病之地。乃在衛

氣宗氣之上僭。內經所謂氣有餘善怒也。又如恐為

腎之所主。其受病之地。乃在衛氣宗氣之下陷。內經所謂氣不足善恐也。俗書不知從受病之氣分施治。而輒從五藏用藥。則誤矣。

五藏爲藏神最密之所。而名爲陰者。以其爲陰經所屬也。六府爲傳受渣滓之所。而名爲陽者。以其爲陽經所屬也。唯膽爲清淨之地。不受穢濁。而亦名府者。亦以其爲陽經所屬也。內經謂藏府皆取決於膽。故膽爲決斷之官。

論經絡次序

此宗氣領營血所行也。營行脈中。

經脈發源在左乳旁下。以手按之有動脈者是也。素問名爲胃之大絡虛里穴。靈樞名爲脾之大絡大包穴。蓋脈本營血。乃水穀所主。故以脾胃互稱。此只一穴。在左乳旁下。若右乳旁下則無有。不論男女人人皆然。此等要緊之穴。內經言之甚清驗之。此身亦甚明。乃諸家竟不知此爲何事。可爲浩歎。虛里出劉液下三寸。大包在腹下六寸。

第一手太陰肺經。從左邊虛里穴上注肺。由左腋間走左手大指。寸口脈是從胸走手也。正絡入肺

第二手陽明大腸經。從寸口脈後斜分至腕臂。

反關脈即

此走上至頭。是從手走頭也。正絡入大腸。

第三足陽明胃經。從頭上接前脈。由胸前而下至足

背。是從頭走足也。正絡入胃。

第四足太陰脾經。從足指接前脈。由膝而上至胸注

心中。是從足走胸也。正絡入脾。

第五手少陰心經。從胸中接前脈。由臑間而至手小

指。是從胸走手也。正絡入心。

第六手太陽小腸經。從手小指外側接前脈。而上至

頭是從手走頭也。正絡入小腸。

第七足太陽膀胱經從頭上接前脈。由背而下至足小指。是從頭走足也。正絡入膀胱。

第八蹻脈。男用陽蹻。女用陰蹻。從脛上接前脈。上至背俞。轉從

腹衝下行於足。正絡無。

第九足少陰腎經從足心接前脈。由膝內而上至胸。是從足走胸也。正絡入腎。

第十手厥陰心主經從胸中接前脈。由臑而至手中指。是從胸走手也。正絡散入膻中。

第十一手少陽三焦經。從手指背接前脈。由手腕外上至耳側。是從手走頭也。正絡歷三焦

第十二足少陽膽經。從頭上耳側接前脈。由身之旁下至足。是從頭走足也。正絡入膽

第十三足厥陰肝經。從足下接前脈。由膝而上至胸中。注於肺。是從足走胸也。正絡入肝

以上諸脈各有兩端。先行於左者畢。然後再注肺。由右腋間走右手太陰經。手陽明經。以次至足厥陰經。亦如其左。不復繁縷。然後再交於督脈。

督脈從右足厥陰經上頭而來。由頭頂中間入頸。循脊中直下至尾骨。分兩支。入前陰。合交任脈。此脈只一條。無正絡。

任脈從前陰接前督脈。由腹中間上胸。復注於肺。爲週而復始。此脈亦一條。正絡無。

以上左右十二經。兩躡督任。凡二十八脈。共長十六丈二尺。一息六寸。計二百七十息。卽遍一度。凡人一日一夜有一萬三千五百息。則遍五十度也。

凡營血隨宗氣行於脈中者。用此審次第。詳後營行。

論經絡淺深

此衛氣所行也。衛行脈外。

人身頭與手足是一殼子。五藏六府皆在殼子之內者也。十二經絡皆在殼子之外者也。然此殼子。又有淺深不同。今分列於後。

第一層爲太陽所行之地。手太陽一。足太陽二。陽蹻二。督脈一。凡七脈爲衛氣極盛之地。

第二層爲陽明所行之地。手陽明二。足陽明二。凡四脈爲衛氣總滙之地。

第三層爲少陽所行之地。手少陽二。足少陽二。凡四

脈爲衛氣初出之地。

以上三層皆名爲表。少陽近裏爲半表半裏之界。
第四層爲太陰所行之地。手太陰一。足太陰二。凡四
脈爲衛氣初退之地。

第五層爲少陰所行之地。手少陰一。足少陰二。凡四
脈爲衛氣退藏之地。在脈亦在此層。當云五脈。

第六層爲厥陰所行之地。手厥陰一。足厥陰二。凡四
脈爲陰盡陽生之地。過此則入藏矣。

以上三層皆名爲裏。

凡衛行脈外者。用此察淺深。詳後論衛氣篇。知此則知偏枯之風。專在衛矣。

凡十二經脈各有支脈。通於藏腑者。名爲正絡。凡風之入藏者。由此。

凡十二經脈。其陰經陽經相交接處。名爲交經別絡。如手太陰交手陽明足陽明交足太陰之類。其陽經交陽經者在頭。陰經交陰經者在腹。則無別絡。

凡十二經脈各有小脈。從氣穴旁出者。名爲孫絡。又名血絡。又共有三百六十五氣穴。卽有三百六十五孫

絡其病最輕。

論奇經八脈

陽維卽手三陽足三陽諸氣穴旁出之孫絡也。

陰維卽手三陰足三陰諸氣穴旁出之孫絡也。

陽蹻卽足太陽之別支通少陰者也。男子脈度以陽蹻爲經陰蹻爲絡。

陰蹻卽足少陰之別支通太陽者也。女子脈度以陰蹻爲經陽蹻爲絡。

督脈卽背脊當中一條督脈之孫絡

任脈卽胸前當中一條。任脈之孫絡。

以上六者共有三百六十五氣穴。此皆旁出孫絡。不入營行之度。

衝脈爲血海。循腹右下行。與右腎相通。男子以之藏精。女子以之繫胞。胞卽子宮。爲月事所從出。卽天癸也。難經謂右腎爲命門。卽此。衝行腹右。與左乳虛里穴相對。蓋人身血液分爲兩途。其從左乳下。隨宗氣動而行於十二經脈之中者。名爲營血。所以蔭形而生肌者也。其從腹右下。注衝脈。通於右腎者。名爲天

癸所以種子傳生者也。營血從左乳下發源行於脈中。故左乳旁下有動氣應手。衝血從腹右下注於右腎胞中。其血本靜。故右乳旁下並無動氣。此左右之所以不同也。營血養身故不可傷。傷之則死。衝血傳生原有可洩。故閹宦者流雖傷衝血亦不死。此營血爲病所以獨重。而衝血爲病所以較輕也。

帶脈橫通於腰。所以聯絡諸經者也。以上二者皆不入營行之度。與諸經孫絡相似。故亦列於奇經。

凡此八者皆血之積而不流者也。內經名爲奇邪血絡難經則名爲奇經。蓋血之行於脈中者如川河之流血之溢於孫絡者如湖海之會。古人用此以審病耳。譬如陽維之血溢於上則爲鼻衄齒衄之類。陰維之血溢於下則爲圓血淋血之類。兩維同病則爲吐血嘔血之類。其孫絡上貫於膈也。衝帶爲病則爲崩漏帶下之類。內經難經分晰甚明。李時珍輩乃謂另有八脈考之古經既不合証之此身亦不確。又假此爲修真之說。無識者流莫不被其誑惑。往往因修煉

而成癆瘵。生平所見亦多矣。故詳辨之。

以上諸條皆形體實義也。凡病惟絡病最輕。經病稍重。府病又重。藏病最重。此審病輕重之大法。形體實義既明。然後附於形體之氣血陰陽始可得而知之矣。有宗氣有營氣有衛氣。另詳於左。

論總

人身養生之氣有二。一曰呼吸天氣。蓋人在天地氣交之中。如魚之在水也。魚在水中而不見水。人在氣中亦不見氣。試觀平人扼吭則絕。無天氣也。試觀暴

絕人氣回則甦。通天氣也。天氣無形而至剛。故古之
聖人有服氣却穀之法。天氣至清。全憑呼吸爲吐納
其呼吸之樞。則以肺爲主。內經所謂天氣通於肺也。
天氣有春溫夏熱秋燥冬寒。及四季濕土不同。得其
平則能養人。失其平則病。內經所謂天食人以五氣
是也。一曰飲食。地氣卽胃所受之水穀也。試觀平人
絕穀則飢。試觀疰瘖人美食則肥。則地氣之養人可
知矣。地氣養人有形而至柔。故形體豐肥者其氣反
弱。地氣至濁。全憑喉舌爲出入。其飲食之權則以脾

爲主。內經所謂地氣通於嗙也。地氣有三。食穀者智。人爲萬物之靈也。食肉者勇。鷹虎之屬也。食草者力。牛馬之屬也。又有五味。屬木者酸。屬火者苦。屬金者辛。屬水者鹹。屬土者甘。內經所謂地食人以五味是也。凡嬰兒在胎中。亦有天氣。地氣爲養。蓋其呼吸飲食。皆資於母也。地氣有形。故醫書多言之。若天氣無形。醫家多不知爲何物。故諸書皆置而不言。無怪醫術之多陋也。

論宗氣

宗氣者乃呼吸天氣所生其所居在胸膈之間內經
曰宗氣出於上焦又曰呼則氣出吸則氣入其大氣
之搏而不行者積於胸中名曰氣海是也凡人身之
力惟胸膈間最大此卽宗氣也凡頭背手足之力皆
取絡於胸膈此氣又名膻中又名心包絡卽心主也
常代心君用事稱爲相火蓋心爲君火端拱無爲者
性之體也膻中宗氣爲相火代心君行事者情之用
也情動則氣必隨之卽宗氣也內經謂心之合在血
脈正指宗氣代心君用事與營血俱行脈中耳其領

營血行於脈中也卽從左乳旁下虛里穴起以次行於各經一呼一吸爲一息一息行六寸已詳於經絡次序。

論營氣

營氣卽營血也血不自行必賴氣以行之卽宗氣領率之也故稱之曰營氣此飲食地氣所生乃水穀之精液故內經曰水穀入胃清者爲營血又曰水穀入胃游溢精氣上輸於脾脾爲胃行其津液乃化爲血以奉生身又曰營氣出於中焦中焦卽腐化水穀之

地也。中焦生血化爲兩途。其從腹右注於衝脈者。爲血海。其血靜而不動。卽天癸也。其從腹左乳下隨宗氣走於二十八脈者。爲營血。此則動而不止者也。凡營血行度。手之三陰從胸走手。手之三陽從手走頭。足之三陽從頭走足。足之三陰從足走腹。先行左十二經。後行右十二經。其行度左右交通。是以凡病之在營分者。病左則必及於右。病右則必及於左。斷不能左右各分也。營行脈中爲陰。

論衛氣

衛氣又名人氣以其網維羣動爲知覺運動之主也
又名陽氣以其溫養一身也合而凝之則爲衛陽此
受命養生之主也乃合呼吸天氣與飲食地氣所生
天氣無形而至剛衛氣兼之故其性慄悍內經又名
之曰悍氣與營血專資地氣其性精專者判然不同
內經曰飲食入胃濁者爲衛濁字正言其慄悍耳因
其慄悍故不能行於脈中而必行於脈外此衛陽之
所以不同於營陰也

衛氣有體有用所謂體者衛氣之根也其根在腎內

經謂衛氣出於下焦常從足少陰之分間行於藏府
者是也難經稱爲腎間動氣後世稱爲丹田眞陽卽
此衛氣無形必有所附而始留下焦乃脂膏最多之
地衛陽卽附於脂膏中故曰衛氣出於下焦譬如燈
附於油則長明不息也故後人又指爲水中之火不
獨人也凡物之膏皆可然則凡有生之物莫不各
有陽氣附於膏中矣所謂用者衛氣之枝葉也其義
繁多另詳於左

其一曰間行於五藏則五神生從下焦而合於上焦

宗氣應於心則生神而爲喜笑應於肺則生魄而爲悲哭應於肝則生魂而爲怒呼應於腎則生智而爲恐晝應於脾則生意而爲思歌總名之曰慧也。

一曰間行於六府則水穀化從下焦而上合於宗氣應於胃則主納應於膽則主決應於小腸則主腐化應於大腸則主傳送應於膀胱則主滲利總而名之則曰三焦所以行津化液也凡大小二便之開合皆三焦衛氣之所司難經謂之原氣

其一曰出入於經絡則寤寐分方其出也從腎藏行

於少陰之分

少陰爲衛氣出入之門戶

由太陽陽蹻上注於目

目張而寤矣

此二脈皆上至目之精明穴

然後行於陽經而五官

爲之用

凡陽經皆上於頭

行於手經而手爲之用行於足經

而足爲之用間行於藏而慧生間行於府而飲食入

此衛氣之出而爲寤也兩邊齊出且一時分馳者也

方其入也從太陽陽蹻而下走陰蹻由少陰之分而

注於腎則目合而寐矣故寐者無五官之用不在諸

陽經也無手足之用不在手足諸經也無飲食之需

不間行於腑也唯從腎注心從心注肺從肺注肝從

肝注脾從脾注腎循環而已然雖內注於五藏而在外之經脈不爲用則不能麗於實而生慧但游於虛而爲夢凡人夜之所夢多屬晝之所爲者衛氣之所習也其藝語者亦然此衛氣之人而爲寐也亦兩邊齊入且一時竝收者也若衛氣欲入於陰而寐而勉強持之使出而爲寤則必呵欠內經謂陰引而下陽引而上陰陽相引故欠者是也

其一曰衛行有淺深衛行脈外內經所謂衛外而爲固者也難經名爲守邪之神然有淺深之別焉其法

分。軀。藏。為。六。層。外。一。層。為。太。陽。次。陽。明。三。少。陽。四。太。

陰。五。少。陰。六。厥。陰。凡傷寒傳經卽此寅卯辰三時行三層少

陽。巳午未三時行一層太陽。申西戌三時行二層陽

明。亥子丑三時行四層太陰。子丑寅三時行五層少

陰。丑寅卯三時行六層厥陰。故太陽衛氣最盛。少陽

為初進。陽明為初退。若三陰則歛藏矣。此法難經不載出仲師傷

寒論篇夫同此衛氣。既有寤寐開合。又有行度淺深。同

也。曰素問生氣通天論曰。此篇專論衛氣陽氣者若天之有

日。故天常以日光明。可見寤寐者。譬猶日行南陸為

中風論 七 醉經閣

冬行北陸爲夏也。淺深譬猶日出爲晨。日中爲午。日入爲昏也。內經又有一刻少陽二刻太陽三刻陽明四刻三陰之法。則推求更密矣。蓋衛氣慄悍。行度迅急。故大開合之中。復有小開合。內經比之於日。誠不誣矣。

其一曰。衛分行左右。衛氣行度。但有寤寐淺深之法。並無左右交通之法。其出而爲寤也。則兩邊齊出。故兩目亦齊開。其入而爲寐也。亦兩邊齊入。故兩目亦齊合。其出也一時分馳。故手足五官之動亦無先後。

其入也一時並收。故手足五官之靜亦無先後。其淺深也亦然。可見衛行是左右分布矣。是以病之在衛分者。病右則不及於左。病左則不及於右。仲師云風則傷衛。卽是指此。此中風所以獨有偏枯之症也。李東垣不識此中至理。乃分左爲血右爲氣。然則人身有病左不關氣右不關血乎。此等淺陋之見。諸醫不能斥之。反從而附和之。殊可怪也。

以上皆從靈素難經金匱諸書。考證確鑿。施之診治。歷有明效。故記之。

論脈訣

後世知斥高陽生之譌訣。而不知辨王叔和之脈經。總由不讀靈素之過也。靈素謂人迎爲頸脈。卽結喉兩邊之人迎穴也。叔和則指爲左手脈名。難經謂陽得寸內九分。陰得尺中一寸。並無關脈地步。叔和則強分三段。又將奇經八脈。概附兩手。分爲九道。種種虛誕。真堪捧腹。至分左寸爲心小腸。左關肝膽。左尺腎膀胱。右寸肺大腸。右關脾胃。右尺命門三焦。其法並不見於靈素難經。卽後之仲師書中。亦無有也。後

世又有各自爲法顛倒安置者。吁。五藏六府本生成之物。可以任人提挈。視如傀儡乎。今試詰之曰。仲師謂尺寸俱寒者名曰傷寒。若以此部位論之。則是五藏六府皆病。何以止言曰太陽病耶。吾知其必無應矣。然則諸家脈法皆欺人之語。不足信也。惟靈素難經仲景之脈。乃古聖所貽。各有至理。且其法相同。謹摘其要如左。

一曰經脈診法。卽手足陰陽十二經也。外病必先起於經脈。內病亦必發現於經脈。故爲診病第一要法。

經脈有三陽可以審衛氣以衛氣盛於陽經也。經脈有三陰可以察營血以營血盛於陰經也。內經取結喉旁人迎穴爲陽明脈。以候三陽經及衛氣。取兩手寸口又名氣口爲太陰脈。以候三陰經及營血。其法人迎盛於氣口一倍爲少陽病。二倍爲陽明病。三倍爲太陽病。氣口盛於人迎一倍爲少陰病。二倍爲厥陰病。三倍爲太陰病。難經則括其法於兩手尺寸中。以寸候三陽。尺候三陰。關爲陰陽之界。其尺寸相較法亦如內經以人迎氣口相較也。仲師之法與難經

同。

一曰藏氣診法分淺深爲五層。第一層極浮者爲

肺。內經謂皮毛爲肺之合。又謂藏真高於肺。難經謂

三菽之重。仲師同。第二層略浮者爲心。內經謂血

爲心之合。又謂心藏血脈之氣。難經謂六菽之重。仲

師同。第三層浮沉之中者爲脾。內經謂肉爲脾之

合。又謂脾藏肌肉之氣。難經謂九菽之重。仲師同。

第四層略沉者爲肝。內經謂筋爲肝之合。又謂肝藏

筋。膜之氣。難經謂十二菽之重。仲師同。第五層極

沉者爲腎內經謂骨爲腎之合又謂腎藏骨髓之氣難經謂按之至骨仲師同。

凡此五者以見陽脈爲府病見陰脈爲藏病如三菽見洪爲大腸見細爲肺餘可類推又以輕者爲府病甚者爲藏病如三菽略瀘爲大腸瀘甚爲肺餘可類推。

凡此五者各有主脈肺瀘又名毛心洪脾緩肝弦腎石也如三菽見洪爲心火形金餘可類推

以上二法平人則不見惟病人乃見之如病在經

脈則寸尺之診必變於常。如病在藏府則菽數之診必變於常。隨其所變見而斷其病十不失一。

一曰平脈敗脈診法

平脈者春微弦夏微洪秋微

毛冬微石四時旺脈皆有和緩胃氣故曰微也

微也勿認

爲弱

敗脈者春但弦夏但洪秋但毛冬但石四時旺

脈皆無和緩胃氣故曰但也

但也勿認爲強

蓋脈本營血隨

宗氣而動宗氣卽呼吸天氣所生。天氣有春溫夏熱秋燥冬寒之遞嬗宗氣應之。亦有春弦夏洪秋毛冬石之遞嬗若營血乃飲食地氣所生其性精專有常

而不變與宗氣相融。故反泯其迹而爲微弦微洪微毛微石。故曰胃氣也。若無胃氣則無營血相隨脈中。僅止宗氣獨行。但見弦洪毛石而已。故曰敗脈也。凡見敗脈者爲無胃氣。雖不病亦不可救。是名眞藏脈。凡脈有胃氣者雖極危之病亦有可生。故曰人病脈不病者生。脈病人不病者死。卽此義也。此法斷病百不失一。惟傷寒初起則不可用此法。以傷寒初起必見邪盛之脈。則審胃氣之法更當細辨。若傷寒十日以後亦可用此法。

一曰脈體診法其法有三

一是呼吸數診法一息四至爲平 五六至爲數

二三至爲遲 數極爲散 數時一止爲促 遲時

一止爲結 止有定數曰代

一是手指輕重診法 輕取曰浮 重取曰沉 浮

沉皆有中獨取無曰芤 浮沉皆無中獨取有曰牢

浮無沉有曰伏 浮有沉無曰革 有力曰實

無力曰濡

一是脈動形狀診法

流利曰滑

凝滯曰澀 大

曰洪 小曰細 過指曰長 不及曰短 勁疾曰
緊 從容曰緩 端直曰弦 厥厥而搖曰動

以上凡二十四脈精而熟之。可以該諸書診法。但
其斷法甚多。難於詳載。故僅錄其脈名。

以上皆詳靈素仲師藏象及診脈審病之法。若夫
病之所由起。或從外因。或從內因。但取切要於中
風者。詳於後。

論病因

病有外因。如六氣之風寒暑濕燥熱。八方之溫熱燥

寒是也有內因如飲食飢飽喜怒哀樂愛惡欲是也

凡此者皆各有所及之經有某經之脈象如寸主陽經尺主陰

經之類即有某經之見症如三陽有頭痛三陰有腹痛之類且各有所

應之藏有某藏之脈象心病則六菽脈洪肝病則十二菽脈弦之類即有

某藏之見症心病多怒之類此皆確有幾兆無難洞見

者也但久病者邪正俱衰則見症與脈象多不如初

起之明白清楚然其大要則固可知也如見症雖不

似初起總必有一二未除脈象雖與初起不同而其

可愈不可愈總必有胃氣可據脈以和緩為胃氣此從古聖

賢相傳要訣。歷試不爽者也。病之多門。不及詳論。今專以風門論之。

論中風

風爲八邪之長。夫人而知之矣。至於傷寒之中風。與偏枯之中風。其所以判然不同之故。則自晉迄今。千百餘年。竟無一人道及。可見歷來諸家。多憤憤也。殊不知出在靈素。特未許淺見窺及耳。夫傷寒之中風。乃六氣之風。詳在素問五運行大論篇。此條四時天氣與宗氣相名。宗氣即呼吸天氣所生。其感於人也。領管血行于脈中者也。

必入營中。故初起必有惡風發熱等症。且營血本左。右遞注。故病則左右俱病。斷無偏枯之症。偏枯之中。風乃八方之風。詳見靈樞黃帝與岐伯論八風篇中。此是四方賊風與衛氣相襲。其入於人也。但在一隅。而不及營血。故起首無惡風發熱等症。且衛氣本左右分布。兩邊各出。故病左者不及右。病右者不及左。此所以有偏枯之症也。知此則風之源頭清矣。再專就八方風論之。

論八風

其法分東西南北爲四正。又分東南西南東北西北爲四維。合計爲八方。各有主氣。南風熱。東風溫。西風燥。北風寒。東南風溫而熱。西南風燥而熱。東北風寒而溫。西北風寒而燥。此其平也。太過者則賊風矣。賊風輕。其中於人也亦輕。賊風重。其中於人也亦重。乘衛氣之隙而襲入之也。賊風又名邪風。

八方之溫熱寒燥。只以東西南北辨之。不論四時皆有與六氣之春溫夏熱秋燥冬寒各主一時者不同也。

衛氣溫養形體。內經所謂衛外而爲固。難經所謂守邪之神也。衛氣固密。則百邪不能侵。若少有罅隙。則邪卽襲之矣。其隙在頭。則中於面。但爲口眼喎邪而已。其手足固無恙也。其隙在手。經則中於臂。但爲腕臂不舉而已。其頭足固無恙也。其隙在足。經則中於髀。樞但爲步履遲重而已。其頭手固無恙也。其隙在左。則中左。而右無恙。其隙在右。則中右。而左無恙。中足少陰。則舌枯而語言蹇澀。少陰之脈上繫舌本。中手厥陰。則神倦而多健忘。手厥陰心主本代心君行事也。中手少陽。則三焦不

利而多噎氣且大便不行中足太陽則膀胱不清而多洩瀉甚至小便癰閉而不能出以膀胱氣化全憑衛氣滲利衛氣爲邪風所襲不能滲利故癰閉也種種諸症難以枚舉總各視其隙之所在耳內經曰邪之所湊其正必虛以比斲材木堅者不入脆者皮弛正謂此也是以此症多發於中年以後之人以其衛氣不無少衰也若少壯之人則百中無一以其衛氣正盛也後人不明衛氣之義乃有左血右氣之說失之遠矣又有謂血虛生內風者亦不甚切殊不知內

風之生乃衛氣之虛而有隙如谷虛則生風耳。非血虛也。虛則有隙而邪風入之。故曰內風感召外風也。衛氣出於下焦爲生風之根。卽內經所謂腎間動氣也。其開合寤寐出入間皆以足少陰經爲門戶。少陰卽腎之經脈也。其經有兩條左右各一。故衛氣之行軀殼行於藏府者亦左右分布。凡人之始初結胎時其形如兩甲。卽兩腎也。而衛氣寓焉。故其開合寤寐出入間行亦必左右分布。此內景之確而可信者。特粗工不能識耳。

動氣之根卽是腎氣然必曰腎間動氣者以其爲知
覺運動之主故加一動字以稱之若兩邊衛氣平均
則知覺運動自然爽健精明若一邊衛氣無病一邊
衛氣有病則知覺運動必不能如平日之爽健精明
矣語云衆擎易舉獨力難勝可以爲譬

風中於左則病在左中於右則病在右獨口角之喎
斜則不然中左者口必喎右中右者口必喎左所以
然者中左則左邊衛氣不用而經脈弛緩不收右邊
衛氣獨用而經脈牽引拘急故必喎右

口角經脈是陽明經環於

唇口者左 其中右者倣此
右各一

論輕重

兩邊齊中左右俱不仁者最重不能運動不知痛痒

者名爲不仁此卽仲師所謂卒病。卒病者陡然猝發昏不知人也或

左或右但中一邊者稍輕此卽仲師所謂偏枯也。詳

匱此二者皆病之大經者也若中風入藏則不可救

矣或但口眼喎斜或但臂不舉或但足不用或但舌

暗不能言或但麻木有定處。麻木卽不仁此五者皆病之

在孫絡者若久而不治亦能漸入大經矣。左右二八脈名爲

大經三百六十故在藏者極重其生死只在二三日
五穴名爲孫絡。故在大經者稍輕。往往連年累月始可漸愈。在孫絡
最輕有不藥而亦能自愈者。

以上從病之所在論輕重也

人身衛氣應於五神則爲知覺。溫於四體則爲運動。
原是左右齊應。兩邊合用。故能使耳目聰明。心思精
詳。手足便利。若風邪傷衛。有一處不相應。卽有一邊
不爲用。則知覺運動皆爲之遲鈍矣。所謂一馬不行
百馬休也。所以中風之後。往往多滯鈍之病。雖平生

極性急爽利之人亦變而爲迂柔寬緩蓋心欲前而身不與之俱前以志不能率氣氣衛氣不能率形也是以知覺多錯亂迷忘運動多艱難遲鈍此皆論病後邪風已衰衛氣未復原也當夫初起之時則全視邪風之微甚以定病情之輕重其邪風之甚者昏不知人卽邪風之微者亦昏不知人其風中一邊者昏不知人卽風中小絡者亦昏不知人以衛氣猝爲邪風所襲不能自主也一二日後或七八日後邪風少衰衛氣之已傷於左者雖未能驟復其未傷於右者

則必運動。而人事始漸清醒矣。再數日後。或一二月後。未傷之衛氣。必漸漑及已傷之衛氣。於是偏枯者。亦漸漸靈活矣。若治之得法。則未傷之衛氣。既可漸漑相助。而已傷之衛氣。又可逐日生發。如是。則兩邊均平。而知覺運動。依然復舊矣。其辨輕重之法。初起昏。不知人。痰鳴氣促。一日之後。即能平靜清醒。此受邪極微。病之最輕者也。或一二日後。始能平靜清醒。此受邪略甚。病之稍重者也。或七八日後。或十餘日後。始能平靜清醒。此受邪較甚。病之重大者也。或仍

不能平靜清醒。而反息高鳴喘者。此受邪最重。直入於藏。正氣盡去。病之不可救者也。

以上從邪風之微甚診輕重也。

論寒熱

偏枯之風。以四方之位定八風之寒熱。傷寒之風。以四時之序分六氣之寒熱者。絕然不同。蓋八風之寒熱。不拘四時皆有也。夫八方之風。其幾微渺。非神聖不能察識。如黃帝明堂一篇。後來諸家俱茫然不知其所指。又安能察識八風哉。吾輩雖不能審之於未

形未嘗不可辨之於已著則當據初起之症爲斷。

如風之變乎常者從東來則面必青舌必紫甚者

舌卷囊縮筋必惕惕者動也俗言肉跳目珠多斜轉從南來

則面必赤舌必焦甚者生芒刺肌必熱目之白珠必

有紅處從西來則面必白舌必躁甚者如白霜積

粉皮必粟起謂毛髮豎立也目珠多上視翻白從北來則

面必紫舌必黑甚者裂縫息必齁如寐者呼吸有聲俗言寒睡也目

之白珠必有黑處從中央來此四維合併者也則面必黃

舌必黃黑甚者多涎垢肌必潮濕粘手目之白珠必

黃 其東南西南東北西北來者各以其方之法爲斷。

以上諸症但見一二症便是。不必悉具也。此皆從所受之風而定其寒熱也。

論證候

初起時所必有者凡七症或有或無者凡十七症

初起猝發必昏不知人

必有痰涎壅盛 痰涎卽人身津液本隨衛氣布一身者也。風傷衛則不能行津布液。於是津液皆隨宗氣逆居膈中。與呼吸之氣相上下。故壅於喉間也。凡

風之寒者有之

此宜

卽風之熱者亦有之

此宜

俗醫

多用熱藥開痰者非也

易

嘗治此症投以大涼劑立

開

必有皮膚發亮

八風雖有寒熱之不同然總爲陽

邪以陽邪而動衛陽兩陽兩合故發亮

必有短氣

衛氣不能行津布液則津液皆聚膈

中

而宗氣之呼吸爲之不利故短氣

必有自汗

風爲陽邪不閉腠理故自汗汗卽衛氣

所布之液也

風邪傷衛不能約束皮毛汗孔空故汗

自出 亦有無汗者熱甚也

必有半身不動 詳論八風

必有體重 兩邊衛氣皆用則身輕有一邊不用則身重。

以上七症初起時所必有者也 若無以上諸症則非中風矣

或語言蹇澇 或暗不能言 少陰爲衛氣出入門

戶。其脈上貫膈絡會厭穴 此發聲之地如榮於舌本

衛爲風所傷重則暗不能言。輕則蹇澇。

或大便自遺

或大便燥結

衛氣間行於府者爲

三焦原氣傷重則不能約束故自遺。傷輕則不能傳送故閉結。常見有僅閉一二日而大便乾燥如石者此熱勝也。有閉至二十餘日而仍溏者此濕勝也。

或小便遺溺

或小便壅閉

衛氣唯下焦爲盛其

間行於府者爲三焦。然必先從膀胱起故內經以三焦與膀胱並稱膀胱有出竅而無入竅。凡三焦水液之注入膀胱全憑下焦衛氣蒸滲而入。乃從小便而出。若風傷衛則衛外之衛氣即行於皆經絡者進入膀胱。滲

利太過則爲遺溺不能滲利則爲窿閉。俗書謂遺溺爲腎絕者非也。嘗見有遺溺而仍愈者矣。凡小便中久澄之而有如膏如粉者乃下焦有熱。蒸鑠水液有如煎膏者然。故初出甚清。澄久則稠。蓋初出尚熱如膏之熱則不凝也。澄久則冷。如膏之冷則必涼也。不可認此爲虛寒。小孩小便初出清澄久變色如白漿亦此義以小孩純陽下焦多熱也俗書指爲寒則誤矣

或陽事暴舉

衛出下焦卽腎間動氣衛之在外者

雖爲風傷而在下焦者反鬱閉不泄。故暴舉。嘗見有

中風偏枯之後。反連生數子者矣。然其偏枯猶不愈者。以衛氣不能行於表也。

或陽事痿弱。此因在外衛陽已傷。挹取其下焦衛氣外泄。則腎間動氣不強。然其偏枯轉易愈者。昔一友患此。竟不藥而偏枯愈。愈後半年陽事復強。可知此症當緩以俟其生發。不可用熱藥損筋。

或心悸善忘。悸卽怔忡也。衛不行津。則津停爲水。水停胸下。則令人悸。詳內經

或智慮多疑。

衛陽傷則不能取決其神不足故。

或噯氣不食 此非不食。乃腹中不甚飢耳。衛傷一邊。則三焦氣化不速。不能消水穀也。

或消穀善飢 此惟風淫於內者有之。內經所謂風能消穀也。昔一友患此。治以鹹寒之藥。一日而偏枯喎僻皆愈。

或心煩不寐 衛氣浮於外。與風相合。不得行於陰。則目爲之不瞑。詳內經

或貪眠嗜卧 此惟風入少陰者有之。仲師曰。少陰之爲病。但欲寐。

或呵欠不止 一邊已傷之衛氣不行於陽但欲入於陰一邊未傷之衛氣能行於陽陽引而上陰引而下陰陽相引故呵欠此症最多

或頭痛如箍 此邪風盛於三陽陽經也三陽之脈皆上行於頭風性上僭故頭痛

或背反如折 此邪風盛於太陽督脈陽蹻也此三脈行於背風邪入之則三脈皆急背反者身往後仰面語所謂角弓反張也內經名爲痙其症兼有目直視頭搖手足搐搦即抽掣中風之一邊動此症較重乃風邪

兼人營分。故兼見此症專在衛分者無此症也。

以上十七症初起時或有或無者也。

凡所必有之症。乃偏枯中風之本症。無此則非矣。其有或無之症。乃因其人受邪有輕重。經絡有虛實。人之形體起居不同。故病情亦有不同也。此皆從其初起而言之耳。若夫纏延日久。則人情百變。病情亦百變。雖大禹神聖。亦不能鑄鼎象物。窮盡怪相也。然可愈不可愈。尙可以約略言之。今併附數則於左。

一偏枯日久。以致骨節之間。肌膚之內。漸生痰涎。外

見浮腫者難愈。人身生氣寄於津液。亦猶天地生氣寄於水也。凡天下之無形而有形者皆水也。易曰天一生水。請看草木昆蟲莫不皆然。人身津液得衛氣以統之。則能生血生肌。若衛氣爲風所耗。則形體必瘦。若津液停而爲痰涎。注於肢節肌膚之間。則必始瘦而後腫。內經謂風氣客於諸經之絡。迫切而爲沫。又謂沃沫聚之則極。肌膚而爲腫者是也。沃沫卽痰涎也。俗書不知此理。或指爲寒濕。或指爲脾虛。誤矣。殊不知此症多生於熱。譬如以水擦手。熱則生泡。以

火炙肌亦生水泡可知熱從風生。沃沫微聚亦如水泡而已。此因日久衛氣大耗。一時難於復舊。故難愈。若無此則易矣。

一偏枯日久手足拘攣不能屈伸者難愈。內經曰陽氣者精則養神柔則養筋。筋雖爲血所養必得衛氣以溫之而後舒卷自如。難經謂血主濡之氣主煦之。若日久衛衰營血耗無以養筋是由氣分而累及血分由淺入深故難治。

一偏枯日久脈見沉細數急者難治。凡中風之脈

必浮大而緩考之靈素仲師皆是如此說驗之診治亦是如此脈有日久而此脈猶不退者有日久而此脈盡退獨見四時平脈者有變見遲脈者皆屬易愈惟變成沉細數急者最爲難愈所以然者以其病已分入血分也沉主血分細爲血少數急爲有氣無血蓋脈本宗氣領營血而行宗氣無形而悍急營血有形而遲緩二者相配而後脈均若無血則宗氣獨行故數急也血不足以充之故細也一見此脈便是營血已傷故難愈凡病以入營者爲重也。

以上皆節取大概言之。尚有風痲風懿風痺等名。未能詳及。然而中風諸義。則已括盡無遺矣。其左癱右瘓等名。且皆立自後人。徒有其名。羌無實義。夫營衛行度經絡淺深。靈素仲師皆言之甚詳。後人不知此處探求。輒暗中摸索。或謂中風爲虛。或謂爲火。或謂爲痰。或謂爲氣。或謂爲風。痰氣三者併合。或謂風痰火諸邪夾發。究不能得病源實在。更有以中魔中暑中毒一切混雜邪病。而分爲類中直中者。此皆源流不清。內景不明。紙上談兵。無

濟實用者也。

論風脈

中風之脈。其起首必浮大而緩。考之靈素。仲師其言。既同。驗之診候。閱歷又千人如一。浮以手指。輕重取之。大以脈之形狀。取之緩。以脈之至數。取之。至數卽一呼四也。蓋風則傷衛。風爲陽邪。故大。衛行脈外。故浮。病初起時。但在脈外之衛分。未入脈內之營分。其脈中之營血宗氣。依然照常行度。故緩也。緩是脈之動數。宗氣領營血而動。宗氣一呼營血二動。宗氣一吸營血

二動。一呼一吸脈凡四動。是名爲緩。乃是無病平脈。因中風但傷衛而不傷營。故脈應照常緩也。然則何以辨邪風之輕重。曰浮大異常者其邪重。浮大同等者其邪輕。浮大略見者其最輕。斷病之法。只取浮大爲病脈。非指緩爲病脈也。緩爲平人之脈。故不可作病看。然則但言浮大足矣。何必又言緩。曰古人言此。正以明病不在營耳。若入營則不能緩矣。後人不識此理。往往將平脈混入病脈。此脈學之所以晦也。其八風之邪。則又從浮大中兼見之。脈別之如風從

東來者爲木邪。主溫化。其大中必兼弦象。從南來者。爲火邪。主熱化。其大中必兼滑象。從西來者爲金邪。主燥化。其大中必兼濇象。從北來者爲水邪。主寒化。其大中必兼緊象。從中央來者爲土邪。主濕化。其大中必兼濡象。其東南西南東北西北四維相併而來者。則各以其方之脈兼見之。如見其弦象滑象錯出。則爲風。從東南來之類。凡此諸脈。歷斷千人。無一遁者。孰謂脈法難憑耳。

八方之風。分爲溫熱燥寒濕五等之中。溫熱燥居其三。皆熱症也。寒則僅居其一。濕則有從寒從熱之不

同。可知中風一症。熱病居多。故南人中風較多於北人。而生平瘵病。每以涼藥奏効。其源皆從此中悟出。近日諸醫。但執庸陋俗書。暗中摸索。輕者釀成廢人。重者卒致不救。不如勿藥爲高。

偏枯日久。則脈多變矣。然亦一二年其脈仍浮大而緩者。此風邪與衛氣相合而不去。如銀之入汞也。水永爲其症。必將復中。蓋陽邪未去。勢必再召新邪也。復中則病加劇。若治之得法。不但復中可免。卽偏枯亦可愈也。其脈爲沉細數急者難愈。其脈變爲遲者可

愈。一息三至名爲遲。其脈浮大，全退而見，四時平脈者，易愈。

中風在三陽經，則浮大之脈寸部盛於尺部；在三陰經，則浮大之脈尺部盛於寸部。若陰陽諸經俱中，則尺寸俱浮大如一。此分辨經絡之法。

論治法

治法無他，專從衛氣治之而已。衛氣有根本，有枝葉。有表有裏，衛出下焦，爲腎間動氣者，根本也。從少陰之分，間行五臟，則爲知覺性靈；間行六府，則爲三焦氣化。此皆裏也。溫養形體，爲守邪之神者，表也。從諸

經而行於脈外。則爲運動形體。五官得之而耳目聰
明。四體得之而手足持行。此皆枝葉也。其根本在腎。
附於脂膏。則爲水中之火。如燈之附於油也。根本治
法。有宜補火者。如燈之添草。則光焰益大。有宜補水
者。如燈之加油。則長明不熄。世俗專以補火爲事。則
油竭者光亦熄矣。其枝葉在經。溫於肌肉。則附於汗
液。如樹木之以皮行津。得春夏陽氣而後漿汁盛也。
枝葉治法。有宜用散者。如樹之津氣通則榮茂。有宜
用收者。如樹之皮津泄則枯槁。世俗專以斂補爲事。

則津壅者。樹必脹絕矣。

如漆樹日久不取漆則必脹悶而枯用樹皮行津以比衛

陽之汗其理至確凡過汗亡陽者卽亡衛陽耳

是以欲衛氣之根本強則當

油草並加。不可專用熱藥。欲衛氣之枝葉盛則當散

藥施。不可專用補藥。凡治病養生皆然。不獨中風

也。

八方之風。雖有寒熱之不同。然皆爲陽邪。況又從熱

化者。五居其三人身衛氣卽是陽氣。以陽邪而與陽

氣合。則水乳交融。毫無扞格矣。同類相求而不相爭。

此偏枯中風者。所以無惡寒發熱等症也。可知中風

之傷衛氣。乃邪風與衛氣相混耳。其所以知覺運動。皆爲之不靈者。譬如三軍之卒。有一軍與賊私和。則號令不行。匪獨一軍不行也。勢必三軍皆爲掣肘。觀望不前矣。故善治中風者。必先從而分之。使邪風與衛氣相離。而後風可淨。而衛氣仍爲我用也。此侯氏黑散所以用白礬之意。喻嘉言謂爲填塞空竅。夫白礬善消物。豈是填塞之藥。可謂鑿矣。

凡風之入。必乘衛氣之隙。其隙多起於內熱。蓋寒則衛氣斂。故冬時之人多無汗。熱則衛氣散。故夏時之

人多大汗。寒則腠理閉。故無隙可入。熱則腠理開。故

有隙可乘。其內熱或生於七情。或生於飲食。

每見好服溫補

者多有中風之病

此所謂以內因而感召外因也。後人有所

謂胃熱生內風而致者。其言甚是。然不知此爲衛氣

之病。究屬一得之見。嘉言謂猝倒不省人事爲陽虛。

而妄擬參附爲治。總由不識衛氣有表裏之義耳。素

問生氣通天論曰。陽氣者。煩勞則張。此論專言衛氣

煩勞卽內熱也。張卽開也。此衛氣因熱起隙之由也。

又曰。辟積於夏。使人煎厥。辟亦開也。夏則腠理汗孔

皆開也。煎卽煩也。厥者逆也。謂氣逆於上則多熱也。此皆言內熱。又曰目盲不可以視。耳聾不可以聽。潰潰乎若壞都。汨汨乎不可止。此卽形狀中風昏不知人之象也。

衛氣之際由於表氣不固。則散藥似不可用矣。然用溫藥爲散則不可。若用涼藥爲散。乃至妙之法。蓋涼則腠理歛。而散則衛氣通。嘗見偏枯兼有麻木者。內經謂衛氣不通者。爲皮痺不仁。衛氣痺閉卽麻木也。或用滋陰養血之劑而愈者。緣受病本輕。得此甘寒

陰藥。解其內熱耳。若受病稍重者。便難取効。可知此症非從血治也。其過服溫補者。多至成廢。蓋此症本由於內熱。而又多外熱之邪也。東風溫南風熱西風燥四方之氣熱居其

三

南方地土溫暖。其人腠理常開。而衛氣疎。故多中風。北方地土寒涼。其人腠理常閉。而衛氣密。故中風者少。惟尊貴人溫暖太過者。偶有之。然亦易愈也。南人中風後。赴北方而愈者。嘗見三人矣。俱服蘇合香丸而愈素問曰。陰精所奉者。其人壽。西洋志謂歐邏巴以北地寒。

人多壽。葛澍巴處南。四時皆熱。其人不壽。非虛言也。凡久病者。必先顧其脾胃。以血氣之生發。全憑脾胃之運化也。然二者之治法。判然不同。脾爲陰。爲藏。爲胃行其津液者也。其治法宜燥。燥則健。宜補。補則強。故其藥宜甘溫。胃爲陽。爲府。爲水穀之海。其治法宜潤。潤則化。凡亢土不能腐物。必濕土始能腐物。宜通。通則運。故其藥宜清涼。喻嘉言謂養胃與補脾。有天淵之別。葉天士謂胃不強者。以涼通之。則強。脾不健者。以溫補之。則健。內經曰。胃欲寒飲。腸欲熱飲。寒飲卽清涼養胃之義。

熱飲卽甘溫補脾之義。腸卽小腸也。爲受盛之地。水穀之腐化皆變腐水穀。而後脾始挹其精微以生氣。在小腸之內。變腐水穀。而後脾始挹其精微以生氣。血水穀精氣故不言脾而言腸也。喻氏葉氏之言。正與內經合。特二君皆從治病悟出。故立言不與內經同耳。

脾胃之治不同。然則何以別之。曰卽以其病別之。其病起於寒症。而不能食者。則宜燥補脾土。而用甘溫藥。其病起於熱症。而不能食者。則宜潤通胃氣。而用清涼藥。不獨始病爲然。卽久病亦然。譬如偏寒偏熱。

之病。既退之後。猶不能食。投以涼劑。則胃氣立開。世俗只知補脾之法。不知養胃之法。往往見熱病不食。輒以涼藥碍脾。疑而不敢用。其貽害者多矣。李東垣作脾胃論。不能確切分疏。僅爲調停之說。亦由傳派不清。內景不明耳。

其有先患熱病。後變寒症者。則用補脾法。先患寒病。後變熱症者。則用養胃法。凡病久脾胃不旺。仍各從其病爲治也。

論藥餌

昔扁鵲但論脈書。

經卽難

未傳禁方。故無方論。因未遇

傳人而遽遭李謚之害也。

秦國太醫自以技不神農如扁鵲使刺客害之

本經伊尹湯液。又無傳書。往往爲後世所淆亂。張仲

師有金匱方。亦多散逸。如葛雅川孫思邈之徒。皆剽

竊金匱方。而自爲書。究不能明其旨。近世如李時珍

之綱目未免太雜。

雖小說妄談亦爲採入以亂其真故其書太雜

汪詡菴之

本草未免太迂。

淡竹葉陸草也乃棟木部其他舛謬亦多

方藥之道幾於

晦矣。竊以平生所試驗。質諸仲景遺書。充類至盡。固

可以意求之也。茲擇其切要者列左。

病在衛氣。則當從衛分用藥。衛氣有表裏不同。表者行津爲汗。溫養形體之陽氣也。裏者受命之根。水中之火。卽腎間動氣也。腎間動氣。卽衛氣之根。出於下焦。附於脂膏。爲水中之火。其治有四法。火衰者。溫中以益之。如燈之添草也。其藥則有附子肉桂胡巴。故紙乾羌吳萸及椒礪茴香之屬。其方則有四逆回陽理中溫中之類。火盛者。壯水以制之。如燈之添油也。其藥則有地黃白芍知母黃栢元參龜膠及丹皮芩連之屬。其方則有八味。知栢八味六味封髓。古有三才封髓

丹固精之類。

火離於水。虛陽外浮者。則先用溫中引陽下歸於根。後用壯水戀陽。使不復越。則陰平陽秘矣。火鬱於水。真陽不伸者。則於益陽之中。加以透發。如麻黃附子細辛之意。則陰退陽盛矣。

衛行脈外爲守邪之神。溫於肌肉。運於形體。爲肌表之陽。其治有六法。或表陽外閉。無汗煩悶。則發汗以疏之。如麻黃桂枝羌活獨活之類。或表陽外洩。汗出不止。則固表以斂之。如白芍龍骨牡蠣附子黃芪之類。或表陽太盛。肌熱如灼。則涼肌以解之。如

石膏知母胡連地皮之類。或表陽太虛厥冷惡寒。則溫經以助之。如桂枝乾姜參芪香薷之類。或衛氣盛於陽經而衰於陰經。上逆者則苦以降之。如龍膽梔子黃連蘆薈之類。或衛氣盛於陰經而衰於陽經。下陷者則辛以升之。如升麻葛根白朮黃芪之類。

以上皆從衛分審病用藥之大略也。若夫中風之治。則又當細辨之。

風爲陽邪。衛爲陽氣。兩陽相合而不相爭。故無惡寒。

發熱等症。陽主開故有自汗。衛爲風所消。則知覺運動俱爲之不用。故猝倒不知人。仲景用獨活以解外。因_{其有汗故}用_{輕表}白菊秦艽以解風。白芍以固衛氣。歸身以附營氣。白朮以安宗氣。尤妙入白礬以澄之。不使風與衛相渾。以遺日後之患。此侯氏黑散所以爲至當至確之法也。但中風必有從寒從熱之不同。則此方亦有加溫加涼之各異。特孫思邈從金匱錄方時多遺脫耳。

中風之從寒化者。何以辨之。曰其四肢必厥。必無汗。

寒則麻餘症與前同。其治宜竣表。如麻黃湯加三生
理閉。飲之類。嘗用防風通聖散而愈者五人。其方則麻黃
桂枝防風羌活白朮白芍當歸枳殼大黃芒硝也。因
藥力甚猛。自能分開邪正。故不加入白礬。

中風之從熱化者。何以辨之。曰其舌必枯。乾裂如錯四肢

必熱。必大汗。熱氣所蒸餘症與前同。其治宜涼解。如清涼

飲子及玳瑁散主之。然揔不如白虎湯竹葉石膏湯

爲妙。生平嘗用此二方。治十餘人皆有殊効。亦因藥

力甚猛。自能分開邪正。故亦不必白礬澄之也。

以上二條皆初起用藥之法。若不如此多至拘攣痿廢矣。其後治之法又當細辨之。

中風數日之後人事漸醒諸症漸減者邪風衰也然餘邪之與衛氣相融者必不能淨。衛氣之爲風耗者必難驟復。故往往有偏枯善忘諸恙其治又當從養營養氣之中。加入竹瀝荊瀝爲引。或加羌汁爲引。初起從寒化者忌然藥力旣輕取效必不能速。又宜久服加熟化者忌之乃能有功也。蓋竹瀝荊瀝乃草本行津之處衛氣之在表亦如樹木之以皮行津。故用此爲引。

中風日久則衛氣必衰。欲在表之衛氣盛。必須益其
腎間動氣。如樹木培其根本。則枝葉暢茂也。若專用
芪朮以助表陽。則宗氣必僭而生熱。而風之餘邪不
除。人參黃芪白朮皆補宗氣之藥若加入歸芍地黃以配之。則又僅
生營血而已。而於衛氣無益。若用桂附之類。雖能益
腎間動氣。亦易於生熱。昔人創易老地黃飲子。用桂
枝附子與生地麥冬白菊同用。服之亦有效驗。必加
方效然總不如紫河車之妙。其性得血氣之餘。既非
草木可比。且又不寒不熱。而爲衛氣生發之源。蓋人

身結胎時其形如兩甲。卽兩腎也。此衛氣受生之始。河車卽從此兩甲而生。以包護於五官四體之外。卽衛氣外行軀殼衛外爲固之始。以血肉之屬爲血肉之補。同氣相求乃無上妙品也。

近日廣東出有再造丸。服之亦間有效者。而不知其爲何藥。後於靜芸齋集驗良方中見之。卽蘇合丸之加減耳。其方皆辛香行氣之藥。用之於寒化者則效用之於熱化者多不效。其曰中左者用四物湯下。中右者用四君子湯下。亦不過沿襲左血右氣爲詭遇。

之訖究非治病正理

夫人益衛氣之法。多主用酒。靈樞謂飲酒者衛氣盛。先行絡脈。後行經脈。是以知有何脈之動。今驗之人。事。凡飲酒者。懦夫有強毅之氣。愚夫有明決之氣。笨人有輕便之氣。靜者好動。嚚者多言。此皆緣衛氣先

盛。則知覺運動迥異於常耳。是以扁鵲對齊桓侯有

酒醪之語。然則欲益衛氣。正不必戒酒。但不可太過

太過反耗氣。不可太熱。太熱反生病。宜別圖浸紹酒

乃馬薺麴所作。馬薺麴性剋削。能蕩滌腸胃。非過食

中庸
油膩者不能受燒酒雖熱。然是水中之火。故爲佳。但
不宜多飲耳。蓋天地無全功。聖人無全能。是在養生
者。宜自爲斟酌也。揚州有百花酒甚佳。京都史國公
酒亦佳。

食物不必過拘。不論寒熱皆可取食。蓋食雜則無偏
寒偏熱之患。若認定一類爲食。則偏矣。素問曰。物增
而久。謂專食一物者。天之由也。可以知戒。嘗見中風偏枯人。
謹守醫戒者。雖服藥而不愈。其放飯流飲者。雖不藥
而自愈。可知治病之道。在於得訣。不在戒口也。唯是

習俗相沿必多疑慮。今亦從俗。但戒動風之物。如雄雞、鯉魚、黃鱔、鮮蝦、香椿、鮮菌六者而已。其他俱不必戒也。至於日用、葷肉、蔬菜與衛氣相習已久。戒之則無以養胃氣矣。

凡素有小恙。與中風本病無涉者。則不必兼治。反分藥力。縱欲除盡。亦必愈後治之。如腸風痔血等症。此血溢於陽明正絡而來。內經所謂陰絡傷。日陰絡。腸在下故則血下溢爲圓血。日大便是也。此屬血分與衛氣風邪無涉。故不必兼治。且此爲輕恙。風爲重恙。不可治輕

而棄重也。

凡服藥餌。有不宜服而服之。反無恙者。以其本無甚病。縱誤服藥餌。亦不過如多食寒物。多食熱物而已。蓋無病則人身氣血不爲之動。故得無恙也。若因其無恙。而輒信爲可服。服之日久。未有不增病者矣。此亦物增而久之義也。有不宜服而服之。卽有害者。以其本有病。稍一誤用。則其害立應。蓋有病則人身氣血已動。再加誤藥。以助其病。則病愈劇矣。故曰。不服藥爲中醫。

凡過服藥餌者。其效遲。往往寒之不見其涼。溫之不見其熱。因其胃口與藥習慣耳。有連服十數劑不甚見功。其實已暗受其益。譬如嗜酒之人。一旦使之戒酒。則反覺難過矣。

附案

奉新張希良。卒倒不知人。頭破出血。喉中痰鳴。遺溺汗大出。兩手兩足皆不順適。衆醫咸指爲脫。已煎參附湯矣。余望其色面赤而光。切其脈浮大而緩。急止參附。投白虎湯一劑而痰靜。再劑而漸醒。次日左手足能動。而右則否。始知偏枯在右矣。因連服數劑。右手亦愈。但不思食。衆疑服藥過涼。止之弗聽。再服清涼數劑。乃大飢能食。倍於平日。而病全愈。或曰何以斷其必夾火。而面赤之必非戴陽乎。曰戴陽爲虛陽。

上脫其脈必散。斷不能緩。故確知。細急不分至數者爲散。若見此脈須

桂附以納之

新建劉四美。猝不知人。目閉痰鳴。只右手動。餘不動。無汗。醫者投以參附。三日後。遂頭搖舌裂。余用防風通聖散。大汗出而甦。因欲再進。阻於俗醫。改用輕補劑。遂成偏枯。筋急不能屈伸。竟廢。

南昌盧生病如劉四美。誤服參附已六日矣。亦用前方三帖而甦。再用原方加減八帖而全愈。可知此症多受補藥之害。

安義尉白映昇年六十餘。尙健如壯年。從不服藥。癸酉夏月。赴城隍廟燒香。忽跪不起。口中喃喃語不明。白。一家謂受神譴也。昇歸。則喉中痰鳴。已僵矣。余視其舌如錯而黑。用大秦朮湯。倍生地。加石膏。三日而盡。五劑乃甦。而左半不能動。再用十劑。仍無效。因盡去風藥。專用元參。天冬。麥冬。生地。酒芍。白菊。知母。服兩月而愈。

奉新李榮光。體肥多痰。生平好服芪朮。雖當歸亦不敢服。一日猝倒。不知人。口喎。右手不動。舌黑而乾焦。

用白虎湯加麥冬元參生地當歸白芍白菊四劑而
甦。右亦漸動。怕藥涼不肯再服。竟成偏枯。語言蹇澇。
靖安辛文祥好服補藥。因而泄瀉。醫者謂其脾虛火
衰也。時年已六十二極力溫補而瀉愈甚。肌肉消盡而泄。食
入卽出。臥床一月矣。繼而猝不知人。口眼喎斜不能
言。右半不動。余用生地八兩麥冬四兩白蜜一盞囑
代茶常服。連服半日果泄止。遂放心服之。一日盡一
帖。二日而甦。再服至六七日而手足亦動。仍不能言。
再服一二日而大便脹急不得出。已十餘日於是

改用承氣湯加薄荷服二帖大便通而手足皆溫言亦出矣再服前方麥冬生地一月全愈計服生地三十斤或問其故曰人身腸胃有三十六曲豈能食入卽出此明是溫補太過三焦氣化轉運太速卽火泄也熱積於內而猶行溫補以致內熱感召外風故猝中邪風用潤藥以緩其傳送故泄止以解其內熱故風息。

姑錄數案以明中風多熱病乃確有所見非從紙上空談且可知一切俗書不足信也彼景岳全書醫門

法律醫宗必讀等書。皆夢嚙耳。吾未見其能愈此病也。奈何甘聽其誑而不辨耶。